

策划:董华海、骆萃、曾敏妍
统筹:曾敏妍、郭玮
执行:郭玮、秦丽莹、
王慧诗、张子殷

Color晒朋友圈 星光熠熠闪到爆

作为大湾区粤语第一潮报“搭棚人”，每期《可乐生活》都会好多明星艺人Friend做客，可以话係“型男索女收割机”！如果《可乐生活》有“朋友圈”，但嘅日常会係点样？珍住我哋就快20岁生日，可乐君决定要晒下自己星光熠熠嘅朋友圈，俾大家睇下我哋羡慕旁人的日常：同“石敢当”倾计互怼、睇“爆炸头”唱歌做show、带“师兄”行街食饭、跟“康记”探访非遗……我哋唔止friend多又有趣，仲有坚持做咗好耐嘅栏目，係fans追住睇的目标。准备好就开佢我哋Color星光之旅啦！

郭玮/文 Color团队/图


爆料随时有

自从我哋今年开设咗直播间，越来越多明星艺人Friend中意嚟探访，直播我哋唔走套路，简单倾计太normal，通常会嘅互动过程中就原地互爆大锤：边个朋友多，你嘅收入点，新歌灵感来源有桥妙……每期“封面故事”嘅主角，都会同我哋有独家对话，精彩爆料，随时降落。



听歌要听show

我最中意玩花臣，同样係唱歌仔，我唔兴去KTV，一睇就睇歌手Friend上台开show先威水。大家最爱睇“初恋”曾比特，最近带住两位靓声好朋友，举行“穿梭”巡回音乐会，第一站就嚟Color大本营羊城创意产业园，带大家畅游但嘅音乐世界，回味经典嘅港乐。而歌手Friend一有新歌，都会第一时间@我哋。



学厨劲过瘾

吃喝玩乐我哋最在行，同时可乐君都中意睇娱乐中学嘢。玩转非遗，我会约埋明星艺人去，今期鬼马马嘅曹永康就会嚟窝碟上画画，窑烧之后定格广彩之美。讲粤语我就讲最正宗，嘻哈组合Fama农夫唔识耕田，但就会同可乐君·牛牛拍硬档，齐齐玩转粤语梗。



美味食唔停

可乐君平时就会钻窿钻缝，搵到地道又好玩嘅美食店，帮大家先去试水。湾区朋友嘅胃口好就众所周知，明星朋友仔嚟到广州觅食，作为潮人地胆嘅Color梗係要出动！性价比炸裂嘅糖水铺、霸屏排行榜高位的煎饺王、贴地有故事嘅大排档，仲有饮过翻胃味的咖啡店……可乐君带住“师兄”刘浩龙“特种兵式”扫街食好嘢，顺便听佢讲埋但嘅成长故事，又sweet又warm嘅date day，唔係个个有机会试到嘅，“师兄”date完大呼：“肥龙今次真係食到滯！”



百足咁多爪

睇完我哋朋友圈，係唔觉得可乐君每日周围走，好难捉摸？除咗醒目又靚仔嘅可乐生活融媒体中心，可以话捉野生嘅可乐君，仲可以睇微信、微博、羊城派、微信视频号、抖音、哔哩哔哩、小红书、喜马拉雅等新媒体平台，收到我哋精彩动态！“Color班马”呢个名，唔该大家mark一下，因为佢係我哋小号，专门同大家爆料明星艺人朋友同我哋互动嘅精彩花絮、好玩剧透。

AGA:努力十年,圆梦红馆

对粉丝而言，《可乐生活》最大标识度就係五彩嘅“COLOR” logo 以及型仔靓女嘅明星艺人封面啦。每个出现嘅封面艺人，都会同Color有独家对话，将发展计划、工作感悟等透露俾我哋知。AGA江海迦可以话係我哋老友之一，今次佢係嚟倾一下最近准备紧嘅演唱会《ONEDERFUL LIVE》，个个係佢出道十年嘅“汇报演出”，亦会係佢下一个十年嘅开篇。

郭玮/文 经纪公司提供/图



初心不变

最近AGA推出新歌《Miss u goodbye》，但话好中意睇首歌歌词，有开心嘅回忆，有不舍又有执着，恐惧中藏着愤怒，贯穿咗人嘅喜怒哀乐，佢话：“成个人都晒晒入面。”AGA透露，佢今年准备打造一只专辑，提醒大家要好好照顾自己，呢首《Miss u goodbye》就係其中一首，主要係劝慰大家要释怀、放低执念，“放手一啲你一直抓得好紧嘅嘢，可能会如释重负，呢样嘢亦可能变得更美好。”如果话要搵一首歌形容AGA最近嘅心情，AGA会选佢十年前第一首派台作品《哈啰》。AGA仲记得，当时听到自己嘅歌声从收音机里面传出，感觉好震撼，即使到咗依家，但每次听到呢首歌，都会提醒自己中意音乐嘅初心。



感恩有你

2023年上半年，AGA话自己过得非常充实，写歌创作、拍music video，将自己好多想法都实现咗。前几年，演唱会计划搁浅咗，反而俾佢一个break整理心情，潜心创作新歌。唔街撞上撞见歌迷，歌迷会问几时可以见到佢嘅舞台；上网嘅时候发现，唔少歌迷坚持唔退票、等佢开show……呢啲小确幸，都成为咗AGA不断进步的动力。AGA感谢歌迷朋友嘅支持，令佢好快从迷惘中走出嚟，坚持锻炼身体、keep好体能，时刻为开show做好准备。佢希望今年下半年，自己可以带住精心打造嘅新作品，去唔同嘅地方同歌迷见面、分享自己嘅创作故事。



完美live

为咗回应歌迷的等待与期望，AGA决定拿出200%嘅努力，打造全新舞台《ONEDERFUL LIVE》。《ONE》係令大家认识佢“初歌”，充满回忆嘅《Wonderful U》则係佢音乐新旅程嘅代表作，两首歌係佢在音乐成长路上的重要标记，将两首“主题曲”二合为一，就成为AGA 2023年演唱会的名字《ONEDERFUL》，名字中还藏着“ONE Life Wonderful Life”的意思呢。AGA一直keep住努力，呢几年嚟细心琢磨嘅新歌新作，为自己今次演出的歌单提供咗豪华阵容的“歌库”，但希望佢个show交出完美的“成绩单”。AGA嘅演唱会将会喺8月底举行，宣传海报上佢的造型充满科技感，相当抢眼，恭喜佢圆梦登上红馆。